




CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE

NOV 22 1932

T 2428 / 43  
T3070







會稽三賦卷之三

哈佛大學漢和  
圖書館珍藏印

宋 東嘉王十朋 撰

明 渭南南逢吉 註

上虞尹 壇補註

誌人

其人則見于吳越春秋會稽典錄罔經隆志歷

代東牘大書特書班班滿目

屋沃二韻古通罔  
古文圖東簡同

吳越春秋後漢山陰趙彙著會稽典錄晉餘  
姚虞預著東牘者書竹曰簡書版曰牘周禮  
有史官諸侯亦各有國史大事書之于策小  
事東牘而已大書特書不一書而已也班班  
有分別貌

孝者悌者忠者義者廉者遜者智者健者優於  
文晉者長於吏事者擢秀科目之榮者策名卿  
相之賢者歿身曰成仁者隱居曰求志者埋兪

屠釣之微者晦迹佛老之異者虞翻之言有所  
不能盡朱育之對有所不能旣予亦焉能縷數  
之哉姑摘其尤之一二

悌弟通叶徒一切健叶  
居義切晉本作詞擢直  
角切賢今作貴寘未二韻古通歿  
古文殺兪今作光哉今作哉

屠釣杜甫詩賢多隱屠釣虞翻之言朱育之  
對會稽典錄曰孫亮時山陰朱育少好奇字  
仕郡門下書佐太守濮陽興正旦宴見掾吏  
問管王景興問士于虞仲翔而未覩仲翔對

也書佐寧識之乎育對曰云云府君稱善仲  
翔翻字也既亦盡也

前則種蠡計硯

研

號賢大夫後則嚴助買臣直

承明廬

硯倪堅切魚虞  
二韻叶見前

種蠡計硯吳越春秋曰越王有八臣四友文  
種范蠡計硯最顯嚴助買臣漢書曰嚴助朱  
買臣皆會稽吳人武帝時俱為侍中後皆為  
會稽守承明廬三輔黃圖曰未央宮有承明

殿著述之所也武帝謂嚴助曰君獸承明之  
廬出為郡吏

孝悌則張萬和之父子韓靈敏之弟昆鄧斯祈  
樊自歿呂代臯董黯朱魏報讎而名聞或濕衣  
呂障火或泣血呂戢焚或銜哀而廬墓或負土  
呂成墳或呂行而名里或呂義而旌門

昆叶俱  
倫切臯

今作罪黯玄減  
切門叶眉貧切

張萬和唐諸暨人遭父喪兄弟廬于墓側二

會稽三賦 卷三  
十餘年萬和終其子亦廬于墓所韓靈敏齊  
剡人蚤孤與兄靈珍竝有至性母亾無以營  
凶共種瓜半畝朝采暮生遂辦葬事鄧斯祈  
樊朱育對曰處士鄧盧敘弟犯公憲自殺乞  
代吳寧斯敦山陰祈庚上虞樊正咸代父死  
罪董黯虞翻對曰句章董黯怨親之辱白日  
報讎海內名聞句章縣名秦漢以來屬會稽  
郡今之寧波府鄞慈谿地也朱朱恭明也魏

永興人父爲烏傷長陳頽

於倫切

所殺恭明志

在報讎未間頽死遂刺殺其子魏魏朗也後  
漢書曰朗會稽上虞人兄爲鄉人所殺朗白  
日操刀報讎于縣中遂亾命濕衣障火者丁  
典也典唐會稽人家近荒野埜火泔燒典母  
老病乃濕衣覆母以身障火身死母存泣血  
戢焚者許伯會也伯會唐蕭山人遭母喪結  
廬墓側野火將及墳所乃悲號慟哭天忽降

會稽三賦 卷三 四  
雨火則隨滅銜哀廬墓者山陰鍾離表嶧鄧  
僧錄諸暨裴萬和蕭山郭世道輩也呂行名里  
者諸暨張孝和蕭山郭世道輩也呂行名里  
者嶧王知玄父喪哀毀卒諸暨賈思會母亾  
以至孝聞竝以孝行改其里名呂義旌門者  
山陰嚴世期好施慕善嶧公孫達居喪事母  
名聞郡縣蕭山俞僅一門四代皆有德稱竝  
以義行表其門

懿矣三女賢哉二娥處子之孝凜然可多

三女陸氏三女也齊書曰會稽陸氏有三女  
無男祖父母年八九十相繼卒三女自營殯  
葬爲庵舍墓側二娥曹娥朱娥也曹娥見前  
東泛曹江註朱娥宋上虞朱回女也母亾養  
于祖媪娥十歲里中朱顏與媪競持刀欲殺  
媪一家驚潰獨娥號呼而前擁蔽媪手挽顏  
刀曰寧殺我毋殺媪也媪脫娥死事聞賜其



家粟帛後會稽令董偕爲娥立像于曹娥廟  
四時配饗多猶重也

節義則黃公居四皓之列魏少英叅八雋之儔  
蒙難衛主則有若丁潭委身受命則有若王脩  
虞喜躬歲寒之操孔愉洪止足之謀或一門死

三世之義或一邑萃三康之汜

雋本作俊  
汜古文流

黃公商山四皓之夏黃公也虞翻對曰鄞人  
里黃公潔已暴秦之世高祖卽祚不能一致

惠帝恭遜出則濟難鄞今之寧波府鄞縣也

秦漢以來屬會稽郡魏少英卽魏朗少英其  
字也後漢書曰魏朗與李膺輩爲八俊俊者

言人之英也虞翻曰少英遭世迤蹇忘家憂

國列在八雋爲世英彥丁潭字世康晉山陰  
人蘇峻亂成帝蒙塵于石頭潭隨從不離帝

側王脩虞翻對曰句章王脩委身授命垂聲  
來世虞喜字仲寧晉餘姚人大寧中詔曰喜

會稽三則 卷三  
潔靜其操歲寒不移孔愉字敬康晉山陰人  
有侯山卽其栖隱之所下文孔奧等皆先聖  
之後蓋因先世曰潛者避地於此史贊曰愉  
弘止足之分有廉讓之風止足卽知止不恥  
知足不辱之意一門死三世之義者虞翻對  
曰決曹掾上虞孟英三世死義一邑萃三康  
之沛者山陰孔愉敬康張茂偉康丁潭世康  
齊名時人號爲會稽三康

至若寮陽柳朱永寧瞿素婦節崢嶸蹈死不顧  
寮陽卽今處州府松陽縣也永寧今之溫州  
府永嘉樂清縣地也東漢俱屬會稽郡朱育  
對曰其女則松楊柳朱永寧瞿素或一醮守  
節喪身不顧或遭寇劫賊死不虧行

卓行則鄭洪韓說鍾離意朱雋戴就舉於孝廉  
虞潭孔奧沈融朱仕明舉於秀茂虞寄起於對  
策趙曄擢於有道陳子公退侵隆之藩鍾離牧

拒慙還之稻

茂叶莫報切  
退古文退

鄭弘韓說鍾離意俱後漢山陰人朱雋戴就  
 俱後漢上虞人竝舉孝廉虞潭晉餘姚人孔  
 奧陳山陰人沈融唐會稽人竝舉秀才朱仕  
 明齊剡人舉茂才虞寄陳餘姚人弱冠對策  
 高第起家趙曄後漢山陰人舉有道陳子公  
 名囂漢山陰人囂與紀伯為鄰伯竊囂藩地  
 自蓋囂不較益徙地與之伯慙懼歸所侵地

囂辭不受遂為大路府君旌表號曰義里長  
 檐路鍾離牧吳山陰人居永興躬自墾田稻  
 熟民認之牧遂以與民縣長聞之召民繫獄  
 牧為之請長為釋之民慙懼率妻子舂米送  
 還牧閉門不受輸致道旁莫有取者

循吏則有還珠孟嘗致雁虞國希銑遼四州之

愛夏香著歷任之績

國叶越逼切  
績叶音聖

孟嘗後漢循吏傳曰嘗上虞人為合浦太守

郡無耕稼所資珠璣前政貪殘珠徙交趾嘗  
清潔無求珠乃還郡虞國孔擘記曰國餘姚  
人漢時爲日南太守有惠政行部有雙雁隨  
軒翔舞及還餘姚雁亦隨歸國卒雁栖於墓  
側後遂成群今餘姚有雙雁鄉希銑姓康唐  
會稽人爲饒海合睦四州刺史顏魯公撰碑  
今斷碑猶存夏香蕭山人會稽典錄曰香歷  
任邑長皆有聲績

儒學則王充巨野衡顯沈瑜巨野大義稱謝沉謝  
承之史學孔僉孔祛之明經賀孝先擅儒宗之

彌虞伯施剽博學之名

稱叶音檉祛丘於切庚  
青二韻叶見前剽朱謫

切亦通  
作專

王充後漢上虞人著論衡八十五篇沈瑜唐  
會稽人撰九經大義百卷謝沉謝承晉山陰  
人沉明練經史撰晉書三十餘卷承博學洽  
聞撰後漢書一百餘卷孔僉孔祛梁山陰人

僉通五經尤明三禮生徒數百人三爲五經  
博士祛本名子祛講尚書聽者嘗數百人著  
尚書義二十卷賀孝先名循晉山陰人經學  
第一爲江東儒宗虞伯施名世南唐餘姚人  
太宗稱世南有五絕其一博學也刺擅也

文章則孫興公揆金聲之賦徐季海揮玉堂之  
策擘若春榮則任奕虞翔文不加點則四明狂  
客二賀二虞蜚聲籍籍吳融十詔成於俄刻  
揆舒

瞻切刻叶  
乞格切

孫興公名綽晉會稽人作天台賦成示友人  
曰卿試擲地當作金聲揆舒也一曰疾動也  
文選曰擿藻揆天庭徐季海名浩唐會稽人  
肅宗時爲中書舍人詔令誥策多出浩手擘  
允也任奕虞翔朱育對曰文章之士則任奕  
虞翔各馳文檄擘若春榮四明狂客賀知章  
也唐永興人自號四明狂客醉後屬詞動成

篇卷文不加點二賀者賀德仁與從兄德基也唐山陰人俱以文辭稱人爲語曰學行可師賀德基文質彬彬賀德仁二虞者虞世南與兄世基也俱善屬文時人方之二陸籍籍語聲也吳融唐山陰人歷任翰林學士中書舍人昭宗反正御南闕群臣稱賀帝有指授疊十許藁融跪作詔少選而成語當意詳隱逸則嚴謝秦方述睿充符方術則介象吳範

嚴卿夷吾

嚴嚴光也後漢餘姚人少有高名與光武同學及帝卽位被羊裘釣澤中聘至除諫議大夫不屈去耕于富春山謝謝敷也晉會稽人入太平山十餘年辟命皆不就初月犯少微一名處士星占者謂隱士當之俄而敷死秦秦系也唐會稽人初隱於剡後居泉州南安人彌其山爲高士峯方方干也唐新安人隱

于會稽漁于鏡湖今五雲門外有方于池此  
隱所也述睿充符孔述睿及兄充符也唐山  
陰人偕隱嵩山介象吳會稽人學氣術能於  
茅屋上煮物而火不焚吳範吳上虞人明曆  
數知風氣嚴卿晉會稽人善卜筮夷吾姓謝  
後漢山陰人學風角占候尅日卒

丹青則孫遇道芬筆札則孔琳徐嶠浮屠則道

林靈澈神僊則劉晨阮肇

肇叶直  
笑切

孫遇道芬名畫錄曰孫遇僧道芬皆會稽人  
以善畫著名孔琳本名琳之宋山陰人徐嶠  
本名嶠之宋會稽人皆善艸隸書道林晉僧  
支遁也字道林居沃洲山與王謝諸公遊靈  
澈唐僧會稽湯氏子善歌詩與劉柳善劉晨  
阮肇故居在嵯縣南十里續齊諧記曰漢永  
平十五年剡縣有劉晨阮肇入天台山採藥  
因遇女僊半年還家竝無相識驗得七代孫

會稽三賦 卷三  
至太康年失二人所在

廼有谿上浣紗之女林間舞劍之姝色白天下  
氣雄萬夫

浣紗之女卽西施也諸暨有西施浣紗石會稽志云浣紗蓋苧紗非紗帛之紗也舞劍之姝吳越春秋曰越有處女出于南林越王聘之問以劍戟之術姝美色也色白天下者杜詩曰越女天下白氣雄萬夫者越女論劍曰

聞斯道者一人當百百人當萬王欲試之其術卽見

故句踐復國也有六千君子項氏崛起也有八千子弟霸有江淞橫行當代彼二霸之得人尚斗量而車載矧歷代之人材亦足明其大槩浙

同代叶徒帝切載叶  
子計切槩叶居氣切

六千君子史記曰越伐吳發教士四萬人君子六千人橫行江淮東諸侯畢賀號稱霸王



會稽三則 卷三 三  
索隱曰教士謂常所教練之兵君子謂君所  
子養有恩惠者項氏項羽也索隱曰項羽崛起  
起爭雄假號西楚八千子弟史記曰項羽起  
會稽得精兵八千人渡江馮陵天下遂將五  
諸侯滅秦自立爲西楚霸王李白詩橫行起  
江東今山陰有項里乃羽與叔父梁避仇之  
地斗量車載言不可勝數也

逮我國朝尤彌多士二百年間不可勝紀勝書  
蒸切

### 國朝謂宋也

大則杜正獻之勲德次則孫威敏之功名姚夕  
郎司元祐之直顧內相號江南之英萬石雲仍  
匪建則慶二陸棠棣如雲與衡吳先生風高於  
賀老齊職方迹擬于淵明錢氏世賢科之盛史  
門繼衣錦之榮劉求呂義門顯杜趙呂處士稱  
或覽古呂汭詠或編圖而著名棣大計反稱叶  
音煙各重韻

杜正獻名衍諡曰正獻山陰人歷任太子少

師致仕累遷太子太師封祈國公孫威敏名  
 沔諡曰威敏會稽人歷任觀文殿學士知延  
 州姚夕郎名勗山陰人元祐中為諫官有直  
 聲顧內翰名臨會稽人蘇東坡贈呂詩曰君  
 為江南英面作河朔偉萬石者石奮也奮西  
 漢趙人三十餘世遷于新昌為東南名族宋  
 時登進士者三十八人雲仍皆孫也爾雅曰  
 玄孫之子為來孫來孫之子為昴音昆孫昴孫

之子為仍孫仍孫之子為雲孫建慶奮之二  
 子也漢書曰奮長子建次甲次乙次慶皆以  
 馴行孝謹官至二千石景帝曰石君及四子  
 皆二千石人臣尊寵廼舉集其門時號奮為  
 萬石君匪建則慶言石門多資皆建慶也二  
 陸者陸左丞相及弟傳也山陰人棠棣詩作  
 常棣言兄弟也雲衡晉陸機字士衡與弟雲  
 也兄弟齊名時號二陸如雲與衡者謂佃傳

俱有才名時以比晉二陸也吳先生名孜嘉  
祐治平間名士捨宅爲府泮宮卒立祠祀之  
君子以爲賢于賀監一等龜齡有詩右軍宅  
化空王寺祕監家爲羽士宮惟有先生舊池  
館春風長在杏壇中齊職方卽仕至職方員  
外郎退居湖山名曰少微之齊唐也自爲詩  
曰直當山面開三徑平截波心種綠楊淵明  
陶潛字也錢氏世賢科之盛者會稽錢易景

德三年中制科子明逸慶曆二年彥遠慶曆  
六年竝中制科也史門繼衣錦之榮者嵯縣  
有繼錦鄉以史氏所居得名先是史綸于天  
聖五年登科子叔軻于景祐元年登科姪安  
民一曰姪孫于熙寧九年登科故曰繼錦也  
劉上虞劉氏也聚族四百餘口內外無間言  
求按求裘皆姓而義門有裘無求則求當作  
裘也會稽裘氏自齊梁至宋積世無異爨竝

旌表其門杜杜醇也王荆公有贈越中處士  
杜醇詩趙趙仲淵也祥符中被召不起覽古  
不詠者華鎮也嘗著會稽覽古詩百餘篇編  
圖著名者諸葛深也總集歷代帝皇年紀自  
三皇至于宋編之爲圖名曰紹運

至若聯翩桂籍焜耀簪纓名登史策足疊天庭  
蓋嘗詢之故老往往莫識其名矣

焜戶衮切庚  
青二韻叶見

前名

重韻

疊重也累也足疊足重累而至也

故千巖競秀萬壑爭汭者顧長康之言也山轉  
遠轉高水轉深轉清者李泐東之記也瑰奇市  
井佳麗闐闐者白餘杭之詩也忠臣係踵孝子  
連閭者虞功曹之對也

瑰古回切闐於直切闐  
當孤切對叶追萃切

顧長康名愷之劉宋吳郡人嘗爲山陰令劉  
義慶世說曰顧長康從會稽還人問山川之  
狀顧曰千巖競秀萬壑爭汭李泐東名遜唐

趙郡人嘗爲浙東觀察使其遊妙喜寺記曰  
越州好山水山轉遠轉高水轉深轉清白餘  
杭名居易唐下邳人嘗爲杭州刺史和元稹  
陽明洞天詩曰瑰奇填市井佳麗溢闔閭虞  
功曹卽虞翻也對王府君曰海嶽精液善生  
俊異是以忠臣係踵孝子連閭下及賢女靡  
不育焉

越之山川人物其大略如此

人物舊本作風物殊與上下文戾蓋自此以  
前所問所對不過山川人物四者而已

子真始驚而疑卒歎而歎曰壯矣哉盛矣哉山  
川如斯人物如斯吾未之前聞也然越在春秋  
僻處東夷夫子作經昇爲於越其人材風俗固  
未可與齊晉魯衛諸列國抗衡也今有君所稱  
幾不空口豈管日遠於京畿含香未越如王景  
興之言邪抑山川降靈孕秀固自有昔邪抑亦

因人作成而致然邪散樞文喜昇貶同幾渠希切昔古文時

於越越人自名也春秋書於越公芋傳曰於

越者未能以其名通也越者能以其名通也

圖經曰周敬王時有越侯大鐔徐心徒合二切大鐔

子曰允常拓土始大稱王春秋貶之號為於

越抗衡崔浩曰抗對也衡車輓上橫木也抗

衡言兩衡相對拒率不相避下也幾不宐口

幾近也宐受也不宐口謂所稱之美近于無

所置口也王景興之言景興問虞翻曰聞玉

出崑崗珠生南海遠方異域各生珍寶曾聞

士人歎美賢邦舊多英俊徒以遠於京畿舍

香未越爾功曹雅好博古寧識其人邪越發

揚也

有君曰管嚴朱二子為漢名卿畫繡故鄉夾衛

郊迎爭觀快覩歆豔其榮故其俗始尚文學而

散功名衛古文道

嚴卽嚴助也朱卽朱買臣也買臣拜會稽太守武帝謂曰富貴不歸故鄉如衣繡夜行畫繡著繡晝行也歐陽永叔畫錦堂記曰買臣見棄於其妻一旦高車駟馬旗旄道前而騎卒擁後夾衛之人相與駢肩累迹瞻望咨嗟晉王右軍爲越內史雅會蘭亭杯觴曲水臨池墨妙輝映于祀能使遺文感槩君子故其俗始尚風流而多翰墨之士

王右軍卽王羲之也內史晉改太守爲內史祀年也感槩感意氣而立節槩又感觸經心也羲之除右將軍會稽內史以上巳日與謝安孫綽許詢之杯四十一人會于蘭亭杯觴曲水其自序之末曰後之君子亦將有感於斯文前所謂禊事脩兮觴蘭渚是已

唐元微之一代奇才罷侍玉皇謫居蓬萊賓賓鄰白唱酬往來絲是鑑湖秦望之奇益聞故其

俗至今好吟詠而多風騷之才不獨此數君子也

徠古文來吟本  
作吟才重韻

元微之名稱唐河南人嘗罷宰相出爲同州刺史再期徙浙東觀察使時詠州宅詩曰我是玉皇香案吏謫居猶得小蓬萊竇竇輩也白卽白居易也唐書稱傳曰稱在越時粹竇輩以爲副輩天下工爲詩與之酬和故鏡湖秦望之奇益傳時號蘭亭絕唱又居易傳曰

居易除杭州刺史稱自馮翊轉浙東觀察使交契素深杭越鄰境篇詠以詩筒往來不間後白赴闕畱贈詩云從此舟人應省事宋寥無復遍詩筒

任延張霸呂尚賢爲治而俗始賈士劉寵車後呂潔已化下而人斯尚清第五倫下令而淫祀之風革諸葛恢蒞政而陵遲之俗興

興叶虛  
夷切

任延後漢南陽宛人更始元年拜會稽都尉



會稽稱多士延到皆聘請高士如董子儀嚴子陵敬待以師友之禮郡中賢士大夫爭往官焉張霸後漢蜀犍成都人永元中爲會稽太守表用處士顧奉公孫松輩其餘有業行者皆見擢用郡中爭厲志節習經以千數道路但聞誦聲劉寵後漢東萊牟平人拜會稽太守簡除煩苛禁察非法郡中大化徵爲將作大匠山陰有五六老叟人齎百錢以送寵

寵爲人選一大錢受之車俊吳天璽元年爲會稽太守在公清忠第五倫後漢京兆長陵人建武末拜會稽太守會稽俗多淫祀常椎牛祭神財產困匱其自食牛肉而不以薦祠者發病且死先爲牛鳴前後郡將莫敢禁倫到官移書屬縣曉告百姓後遂斷絕諸葛恢晉瑯琊陽郡人元帝調爲會稽太守臨行帝置酒謂曰今之會稽昔之關中政之所先君

爲言之恢曰今天下喪亂風俗陵遲空尊五  
美屏四惡進忠實退浮華帝深納焉太興初  
以政績第一增秩  
至若李唐刺史九十八公首有龐玉顯有姚崇  
李唐刺史按唐太守題名記凡九十八人總  
圈經十子郡績稱雄

管龐玉有惠政爲首今崇祀府城隍其最顯  
者姚崇後爲開元賢宰相圈經十子按以名

見于圈經者十人李大亮竇懷貞薛萃陸巨  
楊於陵李遜薛戎元稹王式式弟龜

國朝逮今蓋百餘政前有文簡後有文正題名  
所記比唐爲盛

文簡畢士安也諡文簡文正范仲淹也諡文  
正按宋太守題名記始于畢文簡其間顯者  
非一而尤賢者范文正也

承宣得八風俗斯美蓋亦理之然也

承宣者承奉也宣揚也漢董仲舒傳曰守令  
民之師帥所使承流而宣化者也

子真曰是誠有之然皆二千石之事爾未足多  
也願聞其上者

二千石古人謂郡守爲二千石以其有二千  
石之穀祿也

有君曰管句踐懲會稽之棲也痛石室之辱也

二也字

自爲韻

會稽之棲史記曰越伐吳吳敗之夫椒越王  
乃以餘兵五千人保棲于會稽石室之辱吳  
越春秋曰越王入臣於吳拘于石室之中越  
王服犢鼻著樵頭斫養馬

蓼目水足抱冰握火采葢于山置膽于坐葛婦

與歌名曰何苦

火叶後午切  
坐叶粗午切

蓼目水足抱冰握火者越王念復吳讎苦身  
勞心夜以接日目臥則切之以蓼足寒則漬

之以水冬常抱冰夏還握火也采蕺于山者  
卽采于蕺山也越王爲吳王嘗惡遂病口臭  
范蠡乃令左右皆食岑艸以亂其臭越人至  
今以爲俗岑艸蕺也少有臭氣凶年民飢其  
根可食故曰豐年惡爾臭凶年賴爾救置膽  
于坐者句踐反國置膽于坐坐臥卽仰膽飲  
食亦嘗膽曰汝忘會稽之恥邪葛婦與歌名  
曰何苦者越王使國中男女入山采葛作布

以獻吳王吳王大悅葛婦傷越王用心之苦  
乃作何苦之詩也

其詞曰嘗膽不苦味若飴令我采葛以作絲  
飴錫也

二十年間焦心苦志卒滅彊吳日雪前恥越絕  
之稱權輿於此故其俗至今能慷慨以復讎隱  
忍以成事若是何如

志叶掌氏切  
事叶上止切

二十年而滅吳者史記曰越伐吳而大破吳

因留圍之三年吳師敗越遂復棲吳王於姑蘇之山吳王使公孫雄請成句踐不忍欲許之范蠡曰謀之二十二年一旦而棄之可乎乃鼓進兵吳王遂自殺越乃平吳越絕之稱權輿於此者越絕書問者曰何謂越絕越者國之氏也絕者絕也謂句踐時也權輿始也慷慨感傷憤激也

于真曰茲霸者之事也傳不云乎粹而王駁而霸彼齊威晉文之盛猶不足稱於大君子之門况句踐乎

粹而王駁而霸荀子霸篇之言也齊威王戰國之盛者也晉文公春秋之盛者也稱道也有君曰管禹治水既畢與群后計功苗山更名會稽卒而葬焉祠廟陵寢于今尚存上有遷井下有菲泉過而飲者莫不發免魚之歎興河洛之思不獨句踐有其烈馬侯嗣其功至今其俗

勤勞儉嗇實有禹之遺風若是何如

禹陵在會稽山山之東有隴隱若劔脊西嚮而下有窆石窆石之右是爲禹廟背湖而南嚮禹廟之西中峯下有禹寺寺之後疑是葬處遺井今禹寺後有禹井謂禹穿鑿故名免魚之歎河洛之思者左傳昭元年曰天王使劉定公勞趙孟於潁館于維汭劉子曰美哉禹功明德遠矣微禹吾其魚乎註曰見河

雒而思禹功句踐有其烈者史記曰句踐有禹之遺烈馬侯卽馬臻也嗣其功者謂創立鑑湖繼禹治水之功也有禹之遺風者晉書曰夏統會稽永興人賈充問其土地風俗統曰其人循循猶有大禹之遺風

子真曰美哉禹功宐其代舜而有天下也游于是窆于是廟食于是茲所曰化被萬世之久也然說者曰爲入聖域而未優其必有大於此者

乎  
宓隸作宜  
宓音夕

宓窀宓夜也左傳曰唯是窀宓之事言其夜  
深厚也一曰長埋謂之窀長夜謂之宓又曰  
窀墓穴也入聖域而未優者漢書賈捐之傳  
曰堯舜聖之盛禹入聖域而不優  
有君曰舜生于諸馮孟子曰為東夷之人歷世  
逾遠汭傳失真

諸馮地名孟子曰舜生于諸馮遷於負夏卒

於鳴條東夷之人也

太史公曰為冀州然邪否邪

史記曰舜冀州人在河南按職方云冀在河  
內則誤作河南非東夷也與孟子之說異觀  
爾雅曰兩河間曰冀州河南曰豫州可知其  
誤

然越之邑則有上虞餘姚山則有虞山歷山水

則有漁浦三撫墜則有姚丘百官

山叶輪旃切  
撫荒胡切官

會稽三則  
叶居  
員切

上虞在府東一百二十里圖經曰夏禹與諸  
侯會計因相虞樂于此故曰上虞一曰舜封  
支庶于會稽故邑有上虞餘姚在府東一百  
八十里風土記曰舜後支庶所封舜姓姚故  
曰餘姚一曰謂邑有姚丘卽舜母握登感大  
虹生舜之地虞山在餘姚縣西三十里大康  
地志曰舜避丹朱於此歷山在餘姚縣西北

八十里舊經曰在會稽縣東南管舜耕所也  
漁浦在蕭山縣西三十里十道志曰漁浦舜  
漁處也圖經又曰上虞縣北有漁浦河是舜  
漁之處音武三憺音武圖經曰上虞有地名虞濱其  
水經媯音圭石入東海江裏有上中下三憺言  
二女降時媯地高險回曲使者至險輒憺然  
而歎故曰三憺憺失意貌姚丘風土記曰舜  
生于姚丘去上虞四十里有桃丘卽姚丘也



會稽三則 卷三 九  
百官里名新記曰上虞有百官里會稽記曰  
百官者丹朱從舜于此

里焉有棗陶焉有竈汲焉有井祀焉有廟

棗隸作栗

廟叶莫報切

棗里在上虞縣言舜時供儲在此陶竈上虞  
有古陶竈言舜所作舜井在上虞西北三十  
五里舜廟在上虞西三十五里

其遺迹也意者不生於是則游於是乎

意者以意度之也

舜爲人子克諧曰孝故其俗至今烝烝是傲

書堯典曰舜瞽子父頑母嚚象傲克諧曰孝

烝烝乂不格姦註曰諧和烝進也

舜爲人臣克盡其道故其俗至今孳孳是蹈

孟子曰欲爲君盡君道欲爲臣盡臣道二者  
皆法堯舜而已矣又曰鷄鳴而起孳孳爲善  
者舜之徒也

舜爲人兄怨怒不藏故其俗至今愛而能容

於方切

萬章問曰象以殺舜爲事立爲天子則放之何也孟子曰封之也仁人之於弟也不藏怒焉不宿怨焉親愛之而已矣

舜爲人君曰天下禪故其俗至今廉而能遜若

是何如

遜叶須絹切

禪禪位也謂除地爲墀告天而傳位也漢書

律歷志曰鯀生禹虞舜嬪以天下嬪古禪字一也

子真矍然離席而立拱手而對曰於戲噫嘻盡善盡美雖甚盛德蔑有加矣管季札觀樂而止于韶自韶之外不敢觀余問風俗亦極于舜自

舜之外不復問矣

矍音句又蹶縛切對今作對於戲古嗚呼字

矍然敬貌又遽貌於戲歎辭也噫嘻亦歎辭也亦曰有所多大之聲也盡善盡美論語曰

子謂韶盡美矣又盡善也季札楚公子左傳  
襄二十九年曰吳公子札來聘請觀於周樂  
見舞韶箭者曰德至矣哉大矣如天之無不  
疇也如地之無不載也雖甚盛德其蔑以加  
於此矣觀止矣若有它樂吾不敢請也箭音  
無妄先生粲然失笑於旁曰固哉子真之間有  
君之奮也茲皆古之越非今之越也奮叶旦  
悅切  
粲然笑貌見齒粲然也固陋也

人死骨朽世變風移山川雖在人物已非支微  
二韻

叶見  
前

前日淳朴變而澆僞前日廉遜變而爭競前日  
勤儉變而驕怠前日忠孝變而凶悖尚何執紙  
上陳迹而澆澆其頰舌邪澆堅堯切殺古文奪  
叶直類切怠叶徒帝  
澆薄也悖逆也澆澆語也一曰爭聲也頰面  
旁也易曰咸其輔頰舌滕口說也

切悖叶平義切澆女交切  
類古協切舌叶食僞切

有君曰先生之言是也然風俗不常美亦不常  
弊善焉惡焉維人是繫

弊惡也

今朝廷駐驛東南越為鉅藩密邇堯天蓋尺五

間南叶那公切藩叶孚  
焉切間叶經天切

駐止也蹕止行人也天子出稱警入言蹕時

高宗遷都杭州故曰駐驛東南藩屏也堯天

史記曰堯仁如天尺五鷄跖集曰韋曲杜鄠

近長安諺云城南韋杜去天尺五

帝命重臣來鎮是邦入境問俗登堂觀風邦叶  
悲功切

入境問俗者禮曰入境而問禁入國而問俗

登堂觀風者臥龍山有觀風堂禮曰命太師

陳詩以觀民風

因舜禹之邈化明吾君之至仁布德教於黃堂

變薄俗而還淳矧何世之無才亦奚有於古今

會稽三賦  
今叶居  
銀切

黃堂太守之廳事也

子不見夫銜命虜庭死於王事如陳公張公者  
虜議禮靖康赴難建炎如華君傅君者虜是豈  
異代之人邪

二虜字  
自爲韻

陳公名過庭山陰人張公名字發會稽人靖  
康間爲和議使咸死虜中華君名初平會稽  
人靖康初爲太常博士乎金人尊號議論不

屈貽怒當塗傅君名崧卿山陰人建炎間虜  
犯浙東越守以城降公舉兵赴難越人賴之  
又不見夫姚江陳公所臨有聲亦克知退身名  
兩榮

陳公名橐餘姚人嘗爲台州功曹攝天台臨  
海黃巖三縣皆有異政後以徽猷閣待制知  
穎昌府徙知陳州又徙婺州告老遂致仕  
執政李公忤意權臣老於淪落世賢其人

李公名光上虞人除參知政事時虜方通和  
秦檜欲稍徹邊備公極言其不可檜以爲害  
和議嗾言者論之安置藤州後遇郊恩復官  
還至蘄州卒

愍孝蔡子捐生可悲同彼旌忠廟食於茲

愍美  
隕切

愍孝廟名在府東北二百七十九步蔡孝子  
名定建炎中父革以罪繫獄請代不報因撰  
墓銘并訴牒寘諸懷遂趨府橋下自湛而死

一有司憐之竟脫父罪事聞于朝賜廟額曰愍  
孝旌忠亦廟名也在府南三里建炎間越守  
李鄴以城降虜班直唐琦奮鞭擊虜酋琶八  
慢罵令活焚而死蓋欲延緩使駕得遠去也  
事聞于朝賜廟額曰旌忠

隱吏王君斬讎著名一門可稱賢父難兄

王公名公衮陰人盜劫其母墓獄成盜不  
死公衮手殺之其父俊彥與公衮竝進士起

家兄佐狀元及第難兄者世說曰元方難爲  
兄季方難爲弟

茲固先生目所親覩也安知後之眡今不猶今  
之眡古虜

眡瞻也漢書京房傳曰臣恐後之視今猶今  
之視前也

先生曰有君越人也知越之風俗而已矣管子  
虛夸雲夢烏有先生詫齊亡是公折之以上

之事今越未足侔齊楚之大尚何足自夸之

亞切

雲夢子虛賦註曰楚藪也在南郡華容縣今  
屬岳州詫誇也

有君曰管吳子問柳先生曰晉國之事而柳以  
晉對今子真問余以越國之俗而余以越畚亦  
各因其所問而及之爾余豈瞢然無聞無知于

越之外哉

曹惜通  
毋摠切

吳子吳武陵也柳先生子厚自謂也子厚晉  
問曰吳子問于柳先生曰先生晉人也晉之  
故宐知之曰然然則吾願聞之可乎曰可云  
云晁無咎曰晉問凡七蓋效枚乘七發以諷  
時君也晉不明也

今天子披輿墜之罔思祖宗之績求治如不及  
見賢而太息文德旣脩武事豈闕蓋將舞干戚  
而服遠夷復侵疆而旋京闕

績叶音聖息叶音  
悉闕叶魚橘切闕

叶區  
聿切

輿車底也說文曰輿地道故曰輿地後漢鄧  
禹傳曰光武登城樓披輿地罔指示禹太息  
大聲歎也干盾也戚斧也書大禹謨曰帝乃  
誕敷文德舞干羽于兩階七旬而有苗格此  
用其意也侵疆謂金人所侵之地也闕觀也  
古者每門樹兩觀于其前所以標表宮門也  
人臣朝至此則思其所闕多少故謂之闕



余埃其車書全南北一倣吉甫美周室賦崧高  
歌吉日招魯公命元結磨蒼崖秃鉅筆頌中興  
紀洪烈邁三五夙前謀亘天地昭日月

結叶激  
質切烈

叶力質切夙虛政切謀牒通叶  
徒吉切亘居鄧切月叶魚橋切

車書全中庸曰車同軌書同文吉甫尹吉甫  
也詩崧高美宣王也吉日美宣王田也魯公  
顏真卿也與元結俱唐人結嘗作中興頌魯  
公書焉其末曰湘江東西中直浯溪石崖天

齊可磨可鑄刊此頌焉何千萬年又張文潛  
題磨崖碑曰水部曾中星斗文太史筆下蛟  
龍字天遣二子傳將來高山十丈磨蒼崖邁  
過也三五三皇五帝也夙遠也謀札也前謀  
猶言往謀亘竟也竟極之也蓋言功業隆盛  
亘極于天地之大昭顯于日月之明

於是窮章夾之所步攷神禹之所別覽四海九  
州之風俗掩兩京三都之著述騰萬丈之光茫

有皇宋一統之賦出回眦會稽蓋甄陶中之一

物別叶卑吉切  
物叶微律切

章夾者淮南子曰禹使大音泰  
又姓章步自東極

至于西垂二億三萬三千五百里七十一

又使豎豎通  
亦姓夾步自南極盡于北垂二億三

萬三千五百里七十五步四海之內東西二

萬八千里南北二萬六千里許慎註曰章夾

善行人皆禹臣也神龍所別者書禹貢曰禹

別九州兩京者後漢張衡擬班固兩都作東

西兩京賦十年乃成三都者晉左思欲賦蜀

吳魏三都遂構思十年偶得一句即使疏之

賦成張華見而歎曰班張之流也芷艸蒿也

光芒猶言炎焰也韓詩李杜文章在光焰萬

丈焉甄陶窯也東坡詩年拋造物甄陶外

無妄先生自知失言色有餘媿迺與子真逡巡

而避有君退而寄傲於南窗有飄飄凌雲之氣

會稽三則  
凌陵通寘未  
二韻叶見前

逡巡却退也傲樂也陶淵明歸去來辭曰倚  
南窗以寄傲凌侵尚也犯也

